

四庫全書

子部

欽定四庫全書

小兒衛生總微論方卷十九

咽喉病論

小兒咽喉生病者由風毒濕熱搏於氣血隨其經絡虛處所著則生其病若發於咽喉者或為喉痺或為纏喉風或為乳鵝重者或為馬喉痺又或懸癰腫或腮頰腫或喉中生瘡一切諸病隨症具方于後

治喉痺腫悶

以露蜂房燒灰研細末每服一錢乳汁調服

以蛇蛻皮燒灰研細末每服一錢乳汁調服

以鯉魚二七枚和釜底土塗患處

以川升麻令含一片

以韭一把杵爛熬傳上冷即易

以白礬碁子大含之

以陳白梅一箇取肉裹白殭蠶一枚含咽津

以地龍一條研爛內鷄子白和勻便傾入喉中

以繩纏扎手大指屈於節上針挑刺出血即差

鐵粉散治如前

鐵葉粉

一分

鵬砂

一分

白礬

半兩生

右為末每服半錢冷水調下連二三服

蛇蛻散治如前

蛇蛻

一分

白梅肉

一分炒

牛蒡子

半兩炒

甘草

一分生

右為散每服一錢匕綿裹湯浸少時含咽津汁小兒

吮之

又方治喉痺咽腫出氣不快

右以鼠粘子二兩炒焦甘草半兩炙黃同為細末每服一錢新水調下更入蜜少許

又方治喉痺不能語

以大豆煎汁放冷含之以鼈膽少許生薑薄荷汁化服得吐便愈青魚膽亦得收得以青黛釀之

治纏喉風束氣不通

蛇蛻

炙令焦黃

當歸

去蘆焙各等分

右為末溫酒調下半錢得吐良

又方治如前

草麻子

去皮
二箇

朴硝

二錢

右為末新水調下一錢未效再服

又方治如前

天南星

生

白殭蠶

生去絲嘴
各等分

右為末每服一字或半錢生姜自然汁調下

又方治如前

右以白殭蠶二箇去絲為末生姜自然汁調更入蜜少許拌勻分二三服或只用半錢一字旋調服之定命散治纏喉乳鵝等病

川大黃

劉

黃連

去

白殭蠶

直者炒去絲嘴

甘草

生各半兩

五倍子

一分

賦粉

五筒子

右為細末每用一字竹葦筒子吹入喉中如毒氣攻心肺喉中生瘡嚙飲不得者以男孩兒乳汁調藥一字鷄羽蘸之深探入喉中得吐者活不吐者死

又方治纏喉乳鵝喉痺咽喉頷項腫悶閉塞氣不得通者

右令患人先呷好麻油少許後以蒼葉燒灰研細末水調下半錢立效大者增之

犀角散治馬喉痺其候如喉痺更加連咽項頷頰腫甚咽喉閉塞但數數噴氣此症極惡

犀角屑

半兩麝干

三分

桔梗

去蘆三分

馬蘭根

三分

甘草

半兩

川升麻

半兩

右為麤末每服一錢半水一盞入竹葉五片煎至六分去滓入馬牙硝半錢攪勻細細含嚥

又方治如前

右以馬嚼一具水二盞煎至半量大小分服

治懸癰暴腫妨悶

以乾姜半夏等分為末少少以筋點藥著上半夏以白礬湯洗數次去滑以硃砂半錢綿裹含之細細嚥津

又方治懸癰忽倒

右以白礬灰鹽各半兩研細筋頭點上撥正亦治腫
悶日七八遍

治咽喉腮頰腫悶右以蒜塞耳鼻中

又方治如前

右以馬鞭草根截去兩頭取在中者搗汁服之

又方治如前

右以黃蘗寒水石等分為末量腫處以薄荷水調藥

用鷄羽掃上乾即再掃

綠雲散治喉痺馬喉纏喉鵝乳重舌木舌一切咽喉之疾

螺青 盆硝 生蒲黃 生甘草

各等分

右為細末每服一錢生姜自然汁調細細含咽若已
閉塞不通者用葦筒入藥吹入喉中重舌木舌生姜
汁調塗患處腫痛咽頷者依此用之口瘡舌上生瘡
用此藥塗之最效李方叔閻孝忠皆以此方救人甚
多以磁合密封收貯

如聖湯治咽喉一切諸疾

甘草

二兩 桔梗 去蘆 一兩

右為麤末每服一大錢水一盞煎六分去滓溫服時

時呬

龍石散治如前并治口舌瘡腫

寒水石

煨通赤 一斤

朱砂

研飛一兩 二分半

腦子

研半 分

右為細末每用少許摻患處病在咽喉者吹入喉內

細細嚥津日五七次臨卧一兩次用妙

如聖圓治咽喉一切諸病

川大黃

一分
末

白礬

一分
末

馬屁勃

一分
末

蝸牛

十四
箇

陳白梅肉

分十

右於五月五日午時取蝸牛以白梅肉同研爛入藥
和丸如練子大每用一丸綿裹含化嚥津若病重不
能開口即研藥作末葦筒吹入喉中滴水三兩點送
之或以淨水磨藥灌之立差

通關散治如前

枯白礬

雄黃

水飛

梨蘆

微炒

白殭蠶

去絲嘴

豬牙皂角

去皮弦

右各等分為細末每用一字鼻內搐之甚者葦筒吹入喉中涎出或血出立愈

治小兒咽喉腫痛塞悶

以桑上螳螂窠一兩燒灰馬屁勃半兩同研勻細煉蜜和丸桐子大三歲下煎犀角湯研下三圓大者加之

治小兒飲乳不快覺似喉痺

以沙牛角燒刮取灰塗乳上吮兒嚥下即差

射干湯治如前咽喉一切諸病

射干 川升麻 各一兩 馬牙硝 馬屁勃 各半兩

右為末每服一錢水一盞煎至六分去滓溫服

金露膏治如前

寒水石 煨通赤四兩 雄黃 一兩研 鵬砂 二錢研

甘草末 四錢 腦子 一字研

右拌勻煉蜜和圓桐子大食後含化一圓

荊芥桔梗湯治喉中生瘡

荊芥穗

桔梗

去蘆

甘草

生

牛蒡子

炒各等分

右為細末每用一錢水一小盞煎至六分去滓溫服之

又方治如前

桔梗

去蘆

甘草

生

牛蒡子

炒各一兩

右為麤末每用一錢水一小盞入青筍少許煎至六

分去滓放溫時時呷

又方治如前

右以葱鬚陰乾為末又別以膽礬為末並各自每用以
葱末二錢膽礬末一錢和勻以半字或一字葦筒吹
入喉中病處

項癭論

小兒項癭由啼怒未定遽以乳飲致氣逆不散留結而
生其狀在項壘壘然漸漸長大而分有瓣又云葛根在

地泉流浸之人因取其水以食飲則生項癭故近山居人多有之以葛生在山中故也

昆布圓治項癭

昆布

一兩洗鹹味

海藻

一兩洗去鹹味

草龍膽

去蘆一兩

檳榔

半兩

甜葶藶

一兩隔紙炒紫色研細

牽牛子

半兩炒

右為細末麵糊和圓黍米大每服十圓人參湯下

又方治或生項癭已及一二年

右以黃藥子半斤須萬州緊重者為上若輕虛者即

是別州所出力慢須用一倍取無灰酒一斗入藥固
瓶口以糠火煨燒一伏時不可楹酒不可有灰待冷
即開瓶令患者時時飲半合一合不可令絕酒氣經
三五日看之覺消即止飲不爾便令兒項細也劉禹
錫亦著效驗其驗如神唯燒酒候香氣出瓶頭有津
出便止不必須待一伏時也仍禁喜怒但以線子逐
日圍度乃知其效也

惡核瘰癧論

小兒腑臟不和及遇項邊經絡虛隙為風熱毒氣所干
與血氣相搏於項邊結成核子復遇風寒所加則不消
不潰名曰惡核若更風溫相加搏於津液與腑臟相乘
則潰化膿血或瘥而復發或根傍別生以至數箇連續
不差名曰瘰癧俗呼癭子此腑臟血氣內外相屬之病
也

皂角膏治項邊生核子不消

皂角

大者一挺
燒存性

糯米

一合炒
黑焦

草烏頭

二錢
生

黃皮

二錢炒
黑色

右為末量多少以井花水調貼核上未消與水晶丹
下之利過以觀音散補之仍再貼之即消

水晶丹

天南星

洗淨生為
末一分

滑石

生為末
二錢

水銀粉

稱半
錢

蕪荑

取仁一
百片

巴荳

五十粒去
壳不去油

右先研巴豆極細次入蕪荑仁復研方入衆藥研勻
爛飯和圓黍米大每服三五圓量大小加減臨卧稍

饑葱白米湯送下利過忌生冷硬物仍以觀音散補之方已具前

如聖散治如前

綿黃耆

一兩對

連翹

一兩

鵲糞

半合燒灰

川大黃

半兩對炒

糯米

半兩用斑貓七箇同炒米黃去斑貓

犀角屑

半兩

右為細末每服一錢水八分入酒三四滴同煎至五分去渣放溫時時呷

紫檀散治如前

紫檀香 木香 川朴硝 研 卷栢 各一兩 赤芍藥

川大黃 各半兩

右為細末每服少許以鷄子白調稀稠得所塗患處

取瘰癧內消

右以長三寸鯽魚一箇去腸以和皮巴豆填滿麻皮
扎定以一束稭草燒烟盡取出放冷研為細末爛稠
粥和圓黍米大每服一丸粟米飲下臨卧未利加一
丸以利為度

又方治如前

右以斑猫一兩去翅足用粟米一升同炒至米焦去
米不用只以斑猫為細末入薄荷細末四兩拌勻烏
鷄子清和丸黍米大空心茶清下一丸一日加一丸
至五丸止一日却減至一丸以後每服五丸

胡麻圓治瘰癧

胡麻四兩
妙香羊躑躅一兩
焙

右以為末煉蜜和丸麻子大每服七圓漸加至二十

一圓熟水下日二見效為度已破者更用黑母牛糞
燒灰研末傳之

治一切瘰癧經效方

右以牡礪火煨通赤取出濕地上紙襯出火毒一宿
每四兩用玄參三兩同為末麵糊和丸菴豆大早晚
食後酒下各下三十丸藥盡則病除根本

又方治瘰癧已破未破其效如神

右以如前煨過牡礪四兩用甘草二兩同為細末每

服一錢醵茶點服日二

治小兒瘰癧

以蝸牛殼一兩用牛乳半升銚子中慢火熬令乳盡
取蝸牛殼研如粉入大黃末一分更研勻每服半錢
皂莢子仁湯調下大小便中出惡物差

又方治如前

以白殭蠶去絲嘴炒過為末每服半錢溫水調下日

三

龜胃論

小兒有龜胃者因乳母有宿乳惡汁不捨去之仍以飼
兒忽遇風熱邪毒相干乘傷於肺經致肺氣滯停重壅
胃鬲骨漸高起狀如龜殼故曰龜胃

百合圓治小兒龜胃

百合

一兩

川朴硝

半兩

杏仁

半兩

湯浸去皮尖

木通

半兩

桑白皮

半兩

川大黃

半兩

天門冬

去心

半兩

右為細末煉蜜和圓黍米大每服十圓米飲下

又方治如前

右以龜尿摩擦脊骨取龜尿法以蓮葉內頓一物安龜在上用鏡照之則尿自出流蓮葉以物盛用之甚佳

龜背論

小兒有龜背者由兒在嬰小時顴骨未成強令獨坐則背隆阜而偶為風邪干襲與血氣相搏入骨髓壅滯不散致背高隆起若龜殼之狀故曰龜背又名隆背若如陀有峯塊起者是名駝背乃胎孕之病不可不治

松藥丹治兒龜背

松花

一兩洗
焙乾

只殼

麩炒去
穰一兩

獨活

去蘆
一兩

防風

去蘆并
叉枝一兩

川大黃

半兩
炮

前胡

去蘆
半兩

麻黃

去根節
半兩

桂心

半兩

右為細末煉蜜和丸黍米大每服十粒米飲下

又方治如前

右以龜尿摩背脊骨取尿法在前

手足拳攣論

小兒有手脚拳攣者由本氣不強筋骨力弱血氣不榮

而為風邪所乘搏於經絡則筋脉縮急骨本無力則手
拳而不能展用脚攣而不能伸舉也若生下便拳攣者
此胎孕中病不可治也

薏苡仁圓治手拳不能展開

薏苡仁

一兩湯浸
洗淨去皮

當歸

去蘆一兩
洗焙乾

秦朮

去苗
一兩

防風

去蘆義
枝一兩

羌活

去蘆
一兩

酸棗仁

去皮
一兩

右為細末煉蜜和丸雞頭實大每服一圓麝香荊芥
湯化下兒大增之

海桐皮散治脚攣不能伸舉

海桐皮

當歸

去蘆洗淨焙乾

牡丹皮

去心

熟乾地黃

牛膝

去蘆酒浸焙乾各一兩

山茱萸

補骨脂

各半兩

右為細末每服一錢水八分入葱白二寸煎至五分去滓溫服

風疲癰疹論

小兒風疲癰疹者小兒肥膚嫩血氣乘弱或因暖衣而腠理踈開或天暄而汗津津潤出忽為風邪所干搏於血

氣藏流於皮膚之間不能消散而成碣成猷相連而生其狀如生姜片輕者名曰風痂不至改色重者名曰癰疹改赤赤紫發搔痒搔之不解甚者使人心神悶亂

右先看其色澤白者以牛膝酒浸一宿焙乾為末每服一錢或半錢溫酒調下若色赤者以土下黃土研細末生姜蜜水調下一錢或半錢

又洗方治如前

荊芥 細辛

去苗

白芷

薄荷葉

各等分

右為麤末每用兩大匙水一桶取羊蹄菜一科連根
葉枝莖細剉同煎至葉爛傾盆中先以尋常熱湯煖
處浴身體候有汗出即用藥湯淋洗洗畢避風忌海
鮮鮓醬毒物

又塗方治如前

右以白礬一兩二錢煖酒投化用馬尾搗塗之

防風湯治如前

防風

去蘆
義枝

鼠粘子

荊芥穗

人參

去蘆各
一兩

甘草

炙

天麻

各半兩

右為細末每用一錢水八分入生姜薄荷各少許同煎至五分去滓溫服

治卒發風疹

右以石灰不拘多少和酸漿水調塗之隨手滅

治小兒癰疹若不治入腹即能殺人

以鹽湯洗了用蓼子按爛傅之又以枳殼剉末煎湯洗之又以蠶沙二盞水二碗煮一碗洗之

又方治如前

右以吳茱萸半升酒二升半煮取五合以綿蘸拭
三奇散治風痲癰疹遍身搗之不任痛痒

凌霄花

白扁豆

甘草

各等分

右為細末每用一字或半錢蜜湯調服

又方治風痲癰疹心神迷悶

右以巴豆二兩槌破用水七升煮取三升綿蘸搽
之

麝犀丹治風疹不差甚者如癩服之神驗

犀角屑

一兩

烏蛇肉

半兩酒浸去皮骨焙

天麻

半兩

白附子

半兩

白殭蠶

半兩炒已上先為末

朱砂

一兩研水飛

龍腦

麝香

各一錢研

右拌勻煉蜜和圓黍米大每服十粒煎金銀薄荷湯下

又方治風疹入腹身強舌乾亦能殺人

右以蔓青子為末溫酒調下一錢或半錢又以蠶沙二盞水二碗煮一碗洗之

疥癬論

小兒血氣熱為風濕所干搏於血氣散於皮膚之間而生疥癬又云螻蟲作動內外相乘之所生也

雄黃膏治小兒遍身疥癬如粟痒而搔之膿血出

雄黃

一兩 研水飛

雌黃

一兩 研水飛

松脂

一分 研

川烏頭

一箇 去皮臍為末

亂髮

一分

右以猪脂六兩於鈹子中煎成油入烏頭松脂亂髮

煎至髮消盡以綿濾去麤穢入二黃末攪勻盛磁器中

候冷成膏每用少許塗擦瘡上日三亦治癰

又方名同治同

雄黃

末一錢

黃丹

一錢

膩粉

一厘

蠟

一塊

巴豆

十粒

葱

五根

切碎

右用油一兩入葱巴豆煎黑焦濾去滓入餘藥攪勻
候蠟熔取下磁器中盛放冷成膏每用抓破疥瘡塗

擦

碧粉散治如前

蛇床子

一兩

狼毒

半兩

硫黃

半兩

青黛

半兩

右為末臙粉少許拌勻好油調塗擦神效

又方治如前

大腹子

分二蛇床子

分二硫黃

一分半

右為細末入輕粉少許好油調勻臨卧搗破擦疥上
及以藥少許塗手心脚心用手擦極熱甚者不過兩

次上

治癬新生

右以沙糖硃砂各一小塊同爛搗破塗之

又方治諸癬

右以蛇床子為末和猪脂為膏塗之

又方治濕癬

右以桃樹青皮為末和醋傅之

又方治圈而癬

右以羊蹄根乾生為末與白礬等分研細勻好醋調塗

又方治諸癬

右以決明子為末入少水銀粉研勻以物擦破癬上
塗之立差

又方治如前

斑猫

五箇去翅
足微炒

鹽豉

四十九粒
浴令潤

砂糖

皂子大
一塊

右先研斑猫將細入二味同研成膏每用一大豆許
湮津調塗上大效

又方治癩癬

黃連

去
鬚

赤芍藥

等分

右為細末入輕粉少許嚼芝麻搽汁調藥先洗淨拭
乾以藥傳之不過數次而愈

治下練癬瘡常對在兩脚

右以白犬血塗之立差

治上練癬常在頭上

右以盧會一兩甘草半兩同為末先以溫漿水洗之
以帛子拭乾用藥傳之立乾便差甘草炙過用

又方治如前

右以大梔子不限多少燒存性為末好油調傅之
又方治疥癬因用硫黃砒霜藥病愈後臭毒之氣不歇
欲去之又以藁本煎湯浴之及用浣衣

金瘡論

小兒有誤被尖刀硬物傷其肌膚其輕淺者雖有血出
不至危殆其重深者有損傷於經脉血出不止又有因
傷中風者則口噤身強俗云破傷風也

治諸金瘡

檳榔 黃連

去鬚各一兩

木香

半兩

右為細末如治一切金兩所傷血出疼痛以末傅之
血定不痛不膿如斫下指來血未定速將藥裏便得
連接

又方治諸金兩所傷血出不止

檳榔

黃連

去鬚

石膏

各一兩

黃蘗

半兩

右以為細末隨多少摻傅瘡上血定便入水不妨

又方治如前

右以白芍藥為末貼傳即住

又方金瘡深者不可以藥速合則內潰傷肉

右但以黃丹滑石等研細末傳之

天蛾散治諸金瘡

右以晚蠶蛾不拘多少為細末摻傳傷上用絹帛封裹隨手血止瘡合大妙

又方治如前

右以五倍子刷淨為末掩傷處血立止較即無痕

又方治如前

右磁石末燒氈灰甑帶燒灰千金方云石灰末若倉卒之間得一味傳之皆可

治破傷風口噤身強

右以天南星一箇防風二寸同為末先用童子小便洗瘡口後用藥傳之追出赤水是效

又方治如前

右以肉蓯蓉切作片子曬乾用一小盞子底上穿一

孔合著火燒藥如香烟從孔中出熏瘡口累驗

又方治如前

右以好鰾膠二錢火上炙焦為末熱湯調下分二服連服一方用一仰一合瓦內燒鰾至烟斷研細末熱酒調下汗出愈

又方治破傷風腰脊反張牙關噤急四支強直

右以鷄糞白半升大豆二升半和炒令變色乘熱用酒沃之微煮令豆味出量性飲之

追風散治破傷風

草烏頭四箇

二箇生用
二箇炮熟

椒二十八粒

右為末貼瘡上風毒自出

又方治如前

右以黑豆四十粒朱砂一字同研為末酒半盞調下
一字差

又方治如前

右以白麵鹽各一撮新水調塗瘡

又方治如前

右以蘇木剉煎濃汁灌瘡中十數盞不令絕候瘡中黃水出是效

又方瘡口作白痂無血者殺人最急以雄雀直糞研熱酒調下一字或半錢

又方治破傷風經驗

右以狗頂上毛燒灰貼瘡上

湯火傷論

小兒有偶被湯盪火燒成瘡者輕則初乃炮起破有黃水而為瘡也重則便皮破肉傷而為瘡也切不可便用冷物泥蜜之類塗之恐令熱氣不出伏留潰爛深傷經脈宜加慎之今叙方于後

麻子膏治湯火瘡經驗

大麻子

合一兩

栢木白皮

合一兩

香白芷

合一兩

甘草

合一兩

生地黃

合一兩

右為麤末以猪脂八兩同藥熬色黃以綿濾去滓盛

磁器中成膏每用少許塗瘡上

又方以洗麵脚日曬乾炒焦黑研細好麻油調塗更解
熱毒以蒼葉燒灰研細油調塗之止痛無癰經驗以
水煮大豆汁塗之易差無癰

又方以醋和泥傅之孫光憲家婢抱一孩兒誤落炭火
上燒瘡便以醋和泥傅之較無癰痕


以栢子房曬乾通風處掛之要用時旋為末好油調鷄
翎掃上如鋪冰痛便止

以蛤蜊殼為細末油調塗之如水無瘢

以小麥麵炒焦黑研如粉生麻油調塗鷄羽掃上大
妙又以風化石灰不拘多少銚子中炒黃色地上出
火毒畢研細末生麻油調塗凡傷至重愀痛不已敗
壞筋骨皮肉者皆治

又以捉一大活鼠先用銚子煎芝麻油一斤至熟旋打
死鼠候冷頓油內煎直至毛骨俱散濾去滓不用入
乳香末沒藥末各半兩攪勻上炭火熬成膏磁器盛

封緊定掘一坑深一尺許窖之候三月取出凡遇湯火傷塗之立效亦治金瘡



小兒衛生總微論方卷十九

欽定四庫全書

子部

小兒衛生總微論方卷二十

詳校官太醫院吏目臣宋桂

編修臣倉聖脈覆勘

總校官進士臣繆琪

校對官中書臣李斯咏

謄錄監生臣譚世緯

欽定四庫全書

小兒衛生總微論方卷二十

疳瘡論

小兒有諸疳瘡者由內有疳氣因而蟲動外被風毒所干內外相乘搏於血氣蝕發之所作也若發於口鼻牙齒者初則瘡小漸漸蝕大其蝕有緩急緩者名曰常疳急者名曰走馬疳有至鼻口蝕爛牙齒脫落者若發於緣身四支者只名疳瘡若發於陰物者名曰下疳皆不

甚痛但微痒而已不覺之間蝕以深大若不早治皆能為害也

澤瀉散治疳蝕其鼻生瘡及鼻下赤爛

澤瀉

川鬱金

生

甘草

炙

山梔仁

炒

各一分

右為細末每嬰小一字二三歲半錢五七歲一錢甘草湯調下日二及用青金散傳之

青金散

銅青

白礬

生

各一錢

右為末每少許傅瘡上

黃連散治如前

右先以米泔水洗瘡訖用黃連細末傅之日三四

盧會散治如前

右以盧會為末吹鼻中鼻下有瘡即傅

又方治如前

右以熊膽半分湯化塗患處

又方治如前

右以黑牛耳中垢傅瘡上

又方治如前

右以鯽魚膽滴鼻中連三五日甚效

石膽散治疳蝕口鼻生瘡赤爛

石膽

一兩 燒灰

良宍子

半兩 生

地龍

去土洗淨 焙一分

右為細末入麝香半錢同研勻細每用一字貼瘡上
又方治疳瘡口齒蝕透

右以白殭蠶去絲嘴炒黃為末蜜和傅之

又方治疳蝕牙齒斷爛瘡潰

右以髮不拘多少燒作灰麝末少許同研細勻摻上
立効

龍骨散治走馬疳蝕口齒瘡爛

砒霜

字一

粉霜

錢半

龍骨

錢一

定粉

錢半

蟾酥

字一

右先研砒細入龍骨研細方入諸藥入龍腦半字同
研勻細每用少許傅上

治小兒牙疳蝕斷肉潰血出

人中白

取法用一瓦盆盛衆人尿旬餘日至滿澄去其清取白脚暴乾稱半兩

麝香

半錢

右為細末入糯米飯研勻和劑搓細小短條子臨時隨牙縫大小劄在病處縫中甚効一方只用末傅之治小兒走馬牙疳

右以雄黃不拘多少研細以連紙條子摻上熬作紙燈上燒過入鉢中同麝香少許研細摻瘡上治小兒走馬疳蝕牙斷損爛

以膽礬為末薄切蘿蔔作片子反覆搥末於火上炙
令乾研更入麝香研勻傳患處立安已驗

以五倍子中艸末研細更於麝香拌勻先用漿水漱口
小兒未能漱者以帛子搥漿水挹之須令留漿水氣
以藥傳之若斷爛即病已深矣若小兒面上或骨節
上生赤瘡無頭如爛梨屬者即用此藥貼之一方用
五倍子燒存性為末傳之

又方以不艸皂莢一挺燒灰膽礬四錢為末鹽一彈子

大用紙包了黃泥固濟炭火煨青烟起為度頓冷地上碗覆一宿出火毒三味同研勻細每用先以鹽湯漱口了以藥於病處揩至痛復用鹽湯漱之妙以楊花少許燒灰存性入麝研勻傳之

治小兒急疳蝕口鼻數日至盡欲死

以文蛤燒灰臘月豬脂和傳

治小兒疳蝕鼻爛

以膽礬一塊燒令烟盡研末摻病處一二日差

治小兒疳蝕口鼻作瘡黃瘦

石膽

一分 盧會

一分

右同研細末摻病處但頻用即爛肉自然成膿便生好肉亦不別損漸漸差愈

治小兒疳蝕鼻下兩道赤者名曰疳鼻

以黃連去鬚為末先以米疳洗淨用末傅之日三四次

又方治如前

石膽

一分

黃連

去鬚末

一分

右同研勻細生油調塗之

又方治如前

五倍子

三分

黃丹

一分

火飛

右同研勻細以綿裹貼病處或塗之亦得日四五次

治小兒疳蝕滿口徹鼻

麝香

一錢

蟾酥

三片如柳葉大於鐵上
慢火煉焦黃色別研末

五靈脂

去砂石末一錢

蜜

半兩

右相和於銚子內慢火熔成膏每用先去却瘡上爛物後以藥塗之日夜四五次

治疳瘡以胡粉熬八分豬脂和傳油亦得

又方以蛆殼洗淨焙乾為末每用先以葱湯洗瘡拭乾用藥摻之以粟子嚼爛傳之

龍腦膏治走馬急疳蝕口鼻

龍腦

一麝香

一砒

白斂

一

右為細末用獾豬膽汁調藥適稀稠以紙任子塗上

即差

又方治走馬急疳蝕口鼻數日間欲死

右以藍錠傳之令遍日十次夜四次取差

又方治走馬急疳蝕牙齒斷透損骨

右以天南星一箇當心取作坑子安雄黃一塊在內
用麵裹燒之候雄黃作汁取出以盞子合在淨地上
出火毒了即去麵裹研為細末入麝香少許勻之傳
瘡上量多少用

熊膽膏治走馬急疳蝕口鼻牙齒

熊膽

半兩
研

蚘蛇膽

一分
研

盧會

一分
研

牛黃

一分
研

龍腦

一錢
研

右同末更入麝香末一錢拌勻以井花水一小盞攪和藥勻入磁器中重湯慢火熬煮成膏每服一豆大薄荷湯化下兼塗瘡上一方更有黃礬一分治緣身疳瘡用少許塗之

蟾蜍散治走馬急疳蟲傷府藏上蝕口鼻牙齒赤爛

欽定四庫全書

小兒衛生總微論方

七

乾蟾

燒灰稱半兩

良宍子

半兩炒微黑

白礬

半兩

生硫黃

一分上先末

熊膽

半兩雄黃

一分研水飛

盧會

一分研

麝香

一分研

右拌勻細末每用一字煎荊芥湯調下及傳瘡鼻中
痒生瘡者以少許吹入鼻中日三

蘭覆散治走馬急疳蝕口齒惡血臭氣不喜所聞牙齒
脫落

黃連末

去鬚三錢

銅綠

一錢

水銀

一錢用煮棗肉一箇同研

麝香

一字研

右同勻細先淨漱口了以藥傳瘡上用生蘭香葉覆

之蝕肉成坎者一傳肉生

三白散治走馬急疳蝕唇口牙齒臭爛逡巡狼狽者

砒霜

粉霜

二物先研細末

石灰

研細羅三次用各稱等分

右相合先左研十下却右轉研十下當極細膩如粉
每用以鷄羽尖撫少許掃瘡上其瘡便乾慎勿多用
恐毒入腹無令嚙津此藥兒小者難用

治疳瘡立効方

黃連

去鬚一分

膩粉

二筒

麝香

少許

右為細末先含水洗瘡淨乾貼之

又方治如前

大糞內蛆

踏洗淨
燉乾

蝦蟇

只用四
脚燉乾

蜜陀僧

史君子

去
殼

右各等分為末先以溫水洗瘡淨用藥摻貼之及以
滴水丸菜豆大煎史君子湯下五七圓

又方治急疔瘡

右以蚘蛇膽研細水調傳之

治下疳定効散

訶子

一兩
去核

好臘茶

一兩

膩粉

十筒

麝香

少許

右同為末先用漢葱木賊川椒三味煎湯乘熱熏瘡
候通手洗滌令膿血淨將藥量多少傅之

又方治如前

右先以韭菜根打碎百沸湯泡洗瘡淨帛子搵乾用
蜜陀僧不以多少研細末入輕粉和勻乾摻傅之効
又方治如前

右以朝生暮老花一錢為末入膩粉十文同研極細
勻生油調塗仍先以葱椒湯洗瘡淨帛子搵乾然後
用藥忌酸辣鮓醬等毒物

癰癤論

小兒生癰癤者由六府不和風毒邪熱干於皮膚搏於
血氣入客經絡之間留結而生小而有頭者為癰大而
無頭者為癰初生則赤腫漸腫起外則皮薄而光內
則肉腐敗潰變而為膿無頭者須針刺破有頭者不必

刺也熟則捻去膿血得盡者隨即便差若膿血不盡瘡口合者雖時暫得差終須更發或根邊別生若邪毒入深附骨留結者則為附骨癰若出膿血復遇風冷所乘傳搏日久不差者則為疽瘡若外面皮膚雖合而毒氣入裏攻潰轉深只有瘡孔時出惡汁者此變癰瘡也

右以甘草一兩剉各二寸長用水八分一碗將甘草煎水文武火上炙至水盡為麤末別用水一碗煎至半碗放溫時時量性服取微利其毒自消未利再服

又方治癰癤欲成未見其頭但腫痛不已

官桂 陳皮 等分

右杵末水調傳腫處

又方治如前

右以大黃朴硝等分為末每用三錢入麴一錢新水

調塗

雄黃膏治癰癤纔發赤腫作痛便用龍角散忍冬散三

方大妙

雄黃

半兩研
水飛

天南星

半兩
生末

寒水石

煨過一
兩研

黃丹

一分

乳香

半兩
研

右拌勻細蜜調成膏攤帛子上貼之

龍角散

地龍

去土稱
一兩

荊芥穗

一兩
兩

甘草

一兩
炙

角刺

一兩取紫色不枯者
淨洗擣去骨只用皮

右為麤末每用一合水三盞酒一盞煎至二盞半去

滓再至二盞入研細乳香末一錢匙調勻量大小旋

旋與服五七歲兒半盞已下分二服日三神驗

忍冬散

忍冬草

乾者一兩

甘草節

半兩

大黃

半兩生

右同為細末每用三錢匕水一大盞煎至七分調乳香末半錢匕服如上法

又方治癰瘍無頭要生

右以葵菜子一粒新汲水吞下即生頭破而膿出要兩處破服二粒要破處即逐粒加之

又方治癰癤無頭

右以川山甲猪牙皂角去皮絃各一兩共炙焦黃為末每用一錢熱酒調下服藥畢其瘡便破甚妙仍以冬瓜藤為末傅瘡乾即水調傅之諸癰瘡皆可用

乳香膏貼癰癤

乳香

一兩研

膩粉

半兩研

松脂

半兩研

蜜陀僧

半兩研

生地黃汁

半兩

右拌勻先用一銚子煎好油四兩黃蠟二兩至熔熟

下諸藥攪勻入麝香細末一錢熬成膏取下磁器盛之窖一宿每用看大小剪貼子攤藥在上貼之一日兩換

沉香散治癰癤

沉香

半兩

黃耆

半兩

白斂

一分

川朴

硝

一分

川大黃

一分

炮

甘草

一分

右為麝散每用一錢水一小盞入麝香少許煎至五分去滓溫服

又方治背上生癰癤凡瘡生背上者非善瘡也

右以多年烟熏壁土并黃蘗二味等分為細末生姜自然汁調成膏攤紙上貼之更以茅香湯調下一錢匕大妙

治附骨癰

右以槲皮燒末每服一錢匕已破者以蜣螂七枚和大麥爛搗貼封之

治癰瘡久不差敗壞成蟲

大蝦蟇

一枚自死者

亂髮

一塊鷄子大

猪脂

一斤

右同煎之至消盡上二物時取下入鹽一合攪勻放冷成膏每用先以龍骨研作粉圍瘡四面厚二分許以膏藥着瘡中日二易有蟲出如髮出盡愈

又方治如前

右以白楊葉杵末傳之

又方治如前鷄舌香散

鷄舌香

木香

沉香

各一兩

麻黃

去根節

海藻

洗去鹹味

大黃

炮各
半兩

右為麤散每用一大錢水一盞入竹瀝二三點煎至五分去滓溫服兼煎適溫熱淋溲其瘡

治癰疽瘰瘡

餘治瘰瘡方並在後

銅綠 濕生蟲

右同研細末每用芥子心許紙撚蘸藥任入瘡口

惡瘡論

小兒有緣身生諸惡瘡者由府藏有熱衝發於外被

風濕所干內外相乘搏於血氣隨其經絡虛處停滯留
結而生或大或小或痒或痛破潰成瘡或膿或血或腐
或敗挾毒所作者久而不差皆曰惡瘡若毒行攻裡亦
皆能變癰瘡也

治兒身生小瘡作痒痛

宣連

去鬚
一兩

膩粉

分一

白芨

一兩

蕪荑

去皮
半兩

右為細末先洗瘡淨拭乾生油調塗

治生大瘡作焮痛

黃丹一錢 膩粉七

右研勻細嚼杏仁取汁調傳

治生瘡如火燒

右以赤薺荔葉杵末油調塗之

治肺毒風瘡如癩

右以好桑葉洗淨蒸一宿日曬乾為末每服一錢溫

水調下無時

治惡瘡不識者

右以蜣螂杵爛絞汁傳之亦治疔瘡

治諸惡瘡

右以黃牛蹄甲燒灰湏再三燒令極細末入麝香少許拌勻乾摻瘡上

又方治如前

右以地骨皮先刮取浮皮別收之次取浮皮下白皮如粉者為細末又以其下赤堅皮細剉共浮皮一處相和為麝末麝末細各貯之每用一麝末麝末一合煎濃汁

乘熱洗瘡直候湯冷以軟帛拭乾用細末傅之每日洗傳一次取差

又方治如前

右炒敗焦至烟絕為細末傅之不過數次差

又方治如前

右以陳小麥半升不犯鐵器中炒黑色枯白礬灰半錢同為細末每用少許貼瘡上

又方治如前

黃蘗

厚者去
麤皮

黃連

去
鬚

山梔子

去
殼

甘草

各一
兩

右各剉如豆大於沙石銚子內炒令烟絕如敷炭樣
放冷研細入麝末一錢拌勻先以溫漿洗瘡去膿血
淨軟帛拭乾摻藥在瘡上以紙片子蓋了軟帛子包
繫護之隔日再用不得入水昔衛州一老兵患瘡九
年潰爛見骨得此藥効愈

治久惡瘡

右以骨內髓膩粉和為劑却入骨內泥裏火煨熟取

出先以鹽水洗瘡淨後乃傳之立効

追惡瘡膿血

右以巴豆二十粒槌碎用清麻油二兩煎至黑焦去豆濾過入黃丹一兩以束引柳條數枝攪之煎成膏每用以絹帛攤藥貼之以焚節燒灰傳之

治小兒魚臍瘡謂瘡形狀似魚臍也此亦惡瘡候

以蛇蛻皮灸焦黃一兩燒灰細研用鷄子清旋調少許塗之

治小兒魚臍瘡

以寒食錫燒灰研末傅之以白蒿苕杵爛絞汁先以
針刺瘡四畔滴汁於瘡口上

治小兒風氣相搏身生瘡瘍

地龍

去土
一兩

白殭蠶

去嘴絲
一兩

川芎

一兩

甘草

一兩
用節

右為細末薄荷湯調下一錢或半錢

治惡瘡久不差肉黑爛膿色黑赤

右先以不灰木檳榔各一分為細末摻貼瘡上候肉

紅膿黃即用後木香散

木香

二錢

檳榔

一錢

黃連

去鬚四錢

右同為細末乾摻貼上用之必効

馬竅散治諸瘡久不差變癰瘡

馬齒莧

一兩牆上生者

烏蛇肉

一兩酒浸一宿焙乾

蒺藜子

半兩炒去刺

亂髮

半兩燒灰

曲頭棘針

半兩燒灰

緋帛子

半兩燒灰

右為細末每量瘡大小用白酒調藥攤帛子上貼瘡

上

貼久癰瘡

白膠香 赤石脂 黃蘗 蜜陀僧

各半兩

右為細末乾貼瘡上

又方治諸癰瘡

右以蝸牛三箇磁合子內收入麝香少許蓋了火內
燒過研為細末水和小圓子每用一圓內瘡中又方
以牛膝末傳之妙

又方治如前

右以赤小豆黃連等分為末溫漿水入鹽洗瘡淨摻藥或只以白膠香末摻之亦効

烏金散治疔瘡癰出膿水痛不止諸藥無效者有蟲

右以羊羔兒骨不以多少入藏瓶內鹽泥固濟炭火燒合宜研細每用末五錢入麝末一錢雄黃末一錢同研拌勻時看瘡大小先以通手湯洗膿血淨口含洗之軟帛拭乾將藥滿填瘡口當次生肉三日外瘡合

浸淫瘡

小兒生浸淫瘡者由府有熱熏發皮膚復為風濕相持搏於血氣而其瘡初生碎小後有膿汁浸淫漸大膿汁著處便生故謂之浸淫瘡也又一証風毒濕瘡頗似浸淫瘡亦膿汁浸淫而生但膿痂遍周比浸淫瘡稍大爾治浸淫瘡痛不可忍發寒熱

右以刺薊為細末新水調傅瘡上乾則易之

雄黃膏治浸淫瘡經効

雄黃

一兩研
水飛

雌黃

一兩研
水飛

川烏頭

一箇去皮
脂研為末

松脂

一分
研

亂髮

一分
燒灰

右以豬脂六兩於銚子內熬成油後入下三味煎至
髮消盡以綿濾去滓入二黃末攪勻盛磁器中成膏
每用少許塗瘡上日三次

又方治如前

右以蠟胭脂於燈下用鏡子照瘡口念咒曰浸淫瘡
好夜粧明鏡照紅粉粧每念一遍抹胭脂塗瘡上如

此七遍胭脂抹周遍其瘡即愈此法極驗甚者不過再

苦瓠散治風毒濕瘡

乾苦瓠

一蛇蛻兩

半兩露蜂房

半兩

微炙 櫟

右為細末每用半錢生油調塗瘡多添之

四生散治惡瘡

綿黃耆

白附子

羌活

去蘆

蒺藜

各等分

右為細末每服一錢溫酒調下

燂漿瘡論

小兒生燂漿瘡者由風熱毒氣客於皮膚搏於血氣而所生也始生如火燒湯盪作泡而起尋即皮破漂漿出以成瘡亦甚疼痛漸引相續而生有至遍身潰爛皮肉不可救者故又名爛瘡宜速治之又一証生瘡狹長如魚臍黃水出四面亦燂漿泡起此雖與燂漿相似而有少異燂漿瘡者先起漿泡破而成瘡此瘡先乃生瘡後即四面續生漿泡其狀狹長渾似魚臍故名曰魚臍瘡

燂漿瘡即不似魚臍也

治燂漿瘡神効屢驗

右以栢葉洗淨切碎細研傳之隨手便乾更取汁半盞水解服之

又方以桃仁去皮尖熟研和面脂傳之

又方治燂瘡黃爛

右燒艾葉灰傳之一方燒馬骨灰傳之

生地黃膏治燂瘡毒甚發引遍身

生地黃

去蘆
洗淨

川升麻

藍葉

梔子仁

大黃

各一
兩

右研細以猪脂八兩同於銚內慢火煎色變濾去滓以磁合盛放冷成膏每用少許塗瘡上

治小兒面目緣身卒生燂泡

右以羖羊角燒灰研細末鷄子白和塗神驗卒無和亦妙

治小兒燂漿如魚胞赤爛成瘡熱痛不可忍

右以磨家驢糞或塊結而不散者不以多少燂乾地

上堆定用手壘作屋狀以燈點着燒至欲過盆子合殺令作黑灰勿令白研為末每用一錢和膩粉二錢殘燈油調塗如水除熱痛甚妙

治小兒燂漿瘡起如丁蓋發頭上一兩日後面上冒背緣身皆生其瘡熱痛

朱砂

半兩研
水飛

胡粉

一兩半

水銀

半兩

右一處研入水二三滴研至水銀無星用臘月猪脂三兩於鉢內慢火熬熔去滓入藥末攪勻成膏磁合盛

放冷即用少許塗之

治緣身生火燍瘡如麻豆有膿汁作痒痛一身盡徧

甘草 芍藥 白欬 黃芩 黃連

去鬚

黃蘗

去底蘗皮

苦參

各等分

右為細末用蜜和傅之日二夜一亦可作麝散煎湯洗之

治小兒燍爛瘡

以鐵燒赤淬水中二十七遍浴洗以燒艾熟灰傅之又

以酒煎茱萸拭上又以桃仁杵爛和面脂傅又以赤小豆煮汁冷洗不過三次差

凍瘡論

小兒有凍瘡者多生於耳輪或脚上由冬月嚴寒之氣傷容於肌膚搏於血氣所作初即腫痒須漸破而成瘡頗難得差至春暖時自可到冬月冷時復發故名凍瘡黃蘗膏治凍瘡

黃蘗

末

白飲

各一兩

白芨

末半兩

生芝麻

二合杵爛取汁

右同研勻細以蒸蘿蔔一枚好酒一盞一處杵爛成膏每用少許先以童子小便洗瘡了後以藥塗又方以雀兒腦髓塗之立差

痱瘡論

小兒夏月多生痱瘡此由盛熱汗津出而腠理開被風熱毒氣干於血氣所生其狀細碎苦蘘如粟芥之類色赤而痒多生額頭背之上甚者徧身俗呼痱子痒而搔之亦能成瘡

治癰瘡

以兔絲子莖按湯洗之亦治頭瘡及女人面瘡

治癰瘡痛不止

乾藕節

末三兩

生油麻

合三

右先杵油麻爛后下藕節末更入生蜜和調得所塗之三五次差

龍腦散治癰瘡

龍腦

一分研

黃蘗

半兩末

白麵

二兩

臘茶

一兩研末

右拌勻每以新綿搥藥撲上破者傳之取差

又方

右以蚌粉研細用雪水稀調臨卧塗之能以熱湯浴畢塗之更佳無雪水用新水

又方

右以雪水磨檀香鵝毛蘸掃上

漆瘡論

小兒有偶為漆傷者本不耐漆或因見聞或因使新漆

器被漆氣所觸便著其毒而生腫赤狀似癰疹破而作瘡微有濃汁亦頗疼痛俗呼為漆咬瘡也

化毒散治漆瘡痒痛

木通

一兩對

藍葉

半兩

麥門冬

半兩去心

犀角屑

一分

馬牙硝

一分

甘草

一分炙微赤對

右麝散每服一錢水一小盞煎至半盞去滓溫服

垂柳膏治如前

垂柳枝

五兩

苦參

二兩

黃芩

一分兩

右劉散每用三匙水兩碗煎至一碗去滓研入好墨
汁半匙攪勻再熬成膏以磁合盛候冷用少許塗瘡
上

又方以好麻油生用塗上以黃蘆朮剉碎煎濃汁放
冷淋之

月蝕瘡論

小兒有月蝕瘡者或生耳鼻或生手指隨月生死世云
月初生之時兒以手指月乃生其瘡故因以名之

治耳伴生月蝕瘡

右以黃連為末傳之

治手指生月蝕瘡或腫或破隨月生死

右以生薤一把苦酒中煮數沸熟出以傳之

治諸處月蝕瘡

右於月望夕取兔屎內蝦蟇腹中同燒研細傳之

又方治如前

右於五月五日取蝦蟇燒灰研細末和猪膏傳之

又方治如前

右取蛇蛻皮燒灰研末和豬脂傳

又方治如前亦治月蝕九竅皆有瘡

右燒蚯蚓糞研末和豬脂傳

治月蝕瘡生兩耳出膿水不止

水銀 胡粉

各一兩入水銀三兩
點研至水銀星盡

黃連

去鬚為
末二兩

松脂

一兩
研末

右並同研勻細以粉瘡上若乾即用煉成豬脂和膏

傳仍先以鹽湯洗瘡淨拭乾塗藥一方只用胡粉和土傳之

又方治耳後月蝕瘡

敗鼓皮

一兩燒灰

蝦蟇

一枚燒灰

右同研為末以煉成猪脂和膏塗之

蠹蝥瘡論

小兒生蠹蝥瘡者因居處屋壁之間有其蟲名曰蠹蝥其形寸許脚甚多而細瘦其行走之時偶遇人影則尿

之隨所尿著處人身則應而生瘡多在腰間初生赤小
瘡癰如黍粟麻豆荏苒不已長出濃汁成瘡因其蟲名
而名之也北方人便為浸淫瘡也未知的否今兩存具
之

治蠹螬尿瘡

右取胡鷺巢中土水和傳之或以豬脂苦酒和傳

又方 右取白扁豆葉傳之最佳

又方治蠹螬瘡繞身周匝則死一云繞腰腹

右取蒺藜葉搗傳之無葉用子

水毒論

小兒有諸般瘡瘍因洗面或洗手脚或澡浴等偶然水入瘡中則發腫而疼痛名曰水毒宜早治之不爾則潰發其瘡變出膿汁遷延時日久不能較也

治湯水入瘡為水毒發腫痛

右以香附子乾姜各一分皆燒存性研細末傳之

赤遊論

小兒患赤遊腫痛者由內有積熱熏發於外外被風毒所干內外相乘搏於血氣則皮膚赤腫其風邪毒氣隨經絡行遊不定故為赤遊也若重者隨血氣虛處流注為赤腫或片或渦毒漸引大疼痛難忍若遊至於心或毒入腹者皆能殺人

治赤痛遊遍身上下不定若至於心即危

右以芒硝投湯中取濃汁拭之亦治丹毒

又方治如前

右以蒴藶煎汁澆淋之

治小兒緣身赤腫漸引腫起

以米粉熬令黑色研細唾和傳之

治小兒半身赤漸漸長引不止

以牛膝甘草二味等分咬咀一方甘草減半每用一
兩水一盞煎五分去滓調伏龍肝末塗之大効

又方治如前

以亂髮燒灰同伏龍肝末用膏油和傳

治赤熱毒腫遊行身上下至心即死

以草鞋亂髮燒灰醋和傳之以伏龍肝研末鷄子白
和傳乾再傳又以生景天杵爛傳上亦治丹發一方
用一握絞汁拭之以水中苔杵爛傳之又以松葉杵
爛傳之以白豆末水和傳之乾即易

治頭面緣身生赤毒腫起作片

以枯樓根二兩伏龍肝半兩為末醋調塗之乾即再
傳

治赤游腫半身紅漸漸展引不止

以紅藍花末醋調傳之又以雲臺葉杵爛傳之

又方治如前赤腫遊行上下遍身不定

右以芭蕉根汁煎塗之

防已散治如前

防已

半兩

川朴硝

犀角屑

黃芩

黃耆

川升麻

各一分

右為細末每服半錢煎竹葉湯調下

木通散治赤遊成片渴赤色如染腫毒漸漸引大

木通

一兩

川升麻

川大黃

剉碎
微炒

川朴硝

各半兩

梔子仁

甘草

微炙各一分

右為麤散每服一錢水一小盞煎至五分去滓溫服之

截毒散治如前

川大黃

生

鬱金

赤芍藥

膩粉

猪牙皂角

去皮子絃
各半兩

右為細散每用少許生油調塗之

又方治如前

右以五味子去枝梗焙乾為末熟酒調下一錢痛自消神効

又方治如前

右以黃蘗寒水石等分為末用薄荷水稀調鷄翎掃塗之乾即再

治赤遊腫遍身入腹即殺人

右取竈下黃土研為末油調塗勿令乾若入腹及入陰者以慎火草取汁一盞分服如無生者用乾者末之水調服

赤毒論

小兒丹毒者由風熱毒邪容於腠理搏於血氣發於皮膚之所作也又千金論小兒黃丹惡毒皆熱積所成或冬間向火烘衣夜間蓋覆太暖或乳母愛食燒炙飲酒皆令兒病丹發處其熱如火輕輕手近則痛不可忍又

有五色丹雖赤色者最多皆煇熱作痛甚者遍身壯熱煩渴悶亂更有諸火丹其名証甚多不可盡述皆赤丹之異名也其毒入腹者亦能殺人宜速治之

治赤丹此熱毒所作其色純赤如丹塗之故名赤丹

右以蕎麥麵醋和傳之一方用蕎麥麵用鳩腦和餅索串吊起放乾要用時研末鷄子清調膏以鷄羽翎掃上効如神

又方以胡荽汁傳之又以寒水石半兩白土一分研

細末米醋調傅以藍淀或慎火草水苔生地黃梔子仁但得一味為末水調傅之皆可

治白丹虛腫如吹此風熱所作而風多者其色則白

香豉

二合炒令黃

伏龍肝

一兩

右同為細末每用半錢生油調塗之

治黑丹痛腫此本熱毒復有冷以乘之互相瘀抑故黑色

川升麻

川芒硝

漏蘆

去蘆各二兩

黃芩

梔子仁

各一兩

右為麝末每用兩匙水三盞煎至二盞去滓稍熱以軟帛蘸塌患處以消為度

治丹五色變易不常此風毒冷熱相搏盛衰不同故色無定也

棗木根

四兩

丹參

去蘆三兩

菊花

揀淨二兩

右細剉拌勻每用兩匙水二碗煎數沸適溫熱避風處浴洗

又方治如前

右以蜜和乾姜傳之

治急丹引

右以鷄子白和赤小豆傳之

治赤丹

以葛勒藤蔓輕輕摩破醋研訶梨勒汁塗之妙以淬鐵水飲一合得打鐵處淬鐵槽中水澄清用

治黑丹此本熱毒搏於血氣熱輕而挾於風多故色黑

也

以風化石灰二兩屋四角茅草三兩燒灰同研細末
鷄子白調塗日三五次効以猪槽下泥塗之

治白丹此本熱毒搏於血氣熱輕而挾於風多故色白
也

以猪糞燒灰研末鷄子白調塗

治殃火丹生於兩脇腋及髀上

以川朴硝研細竹瀝調下半錢更量大小加減

治天竈火丹發於髑裏尻間正赤流陰頭腫或血出
以蠶沙一升水煮去滓取汁洗之

治廢竈火丹發足趺赤色

以赤小豆末一兩牛角二兩燒灰同研勻細鷄子白
和塗

治尿竈火丹發膝股起臍間走腹頭

以屋四角茅草燒灰研細鷄子白和傳

治火焰丹發兩臂及背膝如火灸

以老雅眼睛草葉和醋研爛傳之亦治赤腫

治五色丹遍身壯熱如藝燒若遶臍即損人

以蒴藿葉杵爛水和傳之

治丹毒從臍中起

以伏龍肝研末用屋漏水和傳之乾即再用取効為度如無屋漏水新汲水亦得

治丹腫起於兩脇心背不速治即殺人

以殺羊角屑八兩水五升煎至一升絹濾去滓入煉

了猪脂五兩和勻傳之

治丹毒忽生頭上皮膚赤腫起暈有碎瘡初發如錢漸開及身長一二尺良久遍體入口耳到臍府胃爛即死此候可畏宜速治之

以甘草一兩擘破入水一大盞煎湯溫溫令乳母滿口呷含鼓漱徐徐吐洗病處以手掌摩搥不得犯指甲恐傷破仍更甘草湯服之三用即差

治丹毒

以鯽魚肉細切五合小豆屑三合同杵如泥水和傳

上

千金漏蘆湯治小兒熱毒赤白諸丹癰疽瘡癤

漏蘆

去蘆

連翹

白欬

芒硝

甘草

炙各一分

大黃

煨

升麻

枳實

麤炒

麻黃

去根節

黃芩

各三分三字

右咬咀以水一升半煎取五分量兒大小增減服

治一切諸丹

以馬齒莧杵爛傳之治赤丹熱如火遶腰即損以黃

芥末水調傳之以葦麻子五箇去殼并皮研細入麴
一匙水調傳之以水煮棘根洗之以栗子刺殼煎湯
洗之以柳葉一斤水一斗煮取三升去滓挹洗病處
日五六次以蚯蚓糞水和傳之以蒴藿葉浮萍草五
葉藤海藻葉但得一味為末水調傳之

又方治諸丹已破作瘡出黃水皰痛

右以豆豉炒焦烟絕為細末油調傳之

千金麻黃湯治諸丹惡毒發處如火輕輕手近則痛不

可忍急與砭針出血仍與此湯并塌湯治之

麻黃

去根節

升麻

葛根

各一兩

射干

鷄舌香

甘草

炙各半兩

石膏

半合

右咬咀以水三升煮取一升三歲兒分三服日盡

塌湯治諸般數十種丹毒

大黃

生

甘草

生

當歸

芎藭

白芷

獨活

去蘆

黃芩

赤芍藥

升麻

沉香

木香

木蘭皮

各一兩

芒硝

三兩

右咬咀以水一斗二升煮取四升去滓內芒硝覽烊以綿搗塌之乾則易仍適溫熱用取差止

消毒散治諸丹發赤腫作痛甚並赤遊腫背

川升麻

黃芩

各半兩

麥門冬

川大黃

剉碎微炒

川朴硝

各一分

右為麤末每服一錢水一小盞煎至五分去滓溫服

鱗體論

鱗體者謂皮膚之上如蛇皮鱗甲之狀故又名蛇體此

由氣血否澁不能通潤於皮膚矣又生下便有者此兒在母腹形像未具之時母曾觀看或曾食喫或服藥餌有犯鱗甲網罟穢毒之物兒胎中感而化之故又謂之胎垢謂生下身皮黑垢若鱗者也此必難治

治小兒身上皮膚若蛇皮之鱗

以白殭蠶去絲嘴為末煎湯適溫煖浴之一云與蛇蛻同煎

疵靨論

疵靨者謂皮膚之上生赤色或黑色之點大小不等如
滓粒之狀緣身猶可若生面上則多惡之女子尤甚此
由風邪搏於津液之氣而作又言因傳胡粉皮膚虛而
謂粉氣入於腠理化生又有生下便有者此由兒在胎
中形像未具之時母食雜有毒感氣而化又有父母遺
體所生者此下二項不可治也


治小兒皮膚上生赤疵

以馬尿洗之日四五次

又方治小兒生赤黑疵

以針刺父脚中血滴疵上即消

又以狗熱尿傳之疵自卷落



小兒衛生總微論方卷二十